




Mateu 8



Morame asakoro tōmehse ropa ahtao juteu tō pytatoh toehse Kana po, Karirea rānao. Jezu ē moroto kynexine. Jezu roropa toahmase ipoetory tō maro toto ytotohme myaro.



Morame ynara tykase Jezu eny: — Aimo, pake eukuru nenahno, toto okuru, tykase ynororo tumūkuru a, eukuru tonahse exiryke. Mame tapyi esē poetory tomo a ynara tykase Jezu eny: — Mose omipona rokē ehtoko, umūkuru omipona, tykase ynororo eya xine.



Mame: — Moro aka arykako, tykase Jezu tuna poko, tapyi esē namoto tomo a. Tuna ē typehkase eya xine tuna ke. — Seromaroro eukuru anȳtoko, ekarotohme erēnatoħ aporesemyry a, tykase Jezu eya xine. Mame eukuru taropose eya xine rahkene.

Uwa eukurume tanyhtanohpose eya tunāpo.



3

Moraram eukuru tukupse aporesemy a. Tuar pyra ynoro tuna risē poko, Jezu nyriħpyry poko. (Mokaro rokē tuaro, tonese tyya xine exiryke.) Morara exiryke aporesemy a erēnakety tykohmase tyya, orutua.



4

Ynara tykase ynoro eya: — Oty katoħ sē ke yna anauħpara make apitoryme hro? tykase ynoro pytakety a. — Seromaroro rokē tokoh sero kurā ekamopitōko ma, tykase eya aporesemy.



5

Moro ke Ritonōpo jamitunuru tonepopitose Kana po, Karirea rānao. Moroto Ritonōpo mūkurume toexiry tonepopitose Jezu a. Moraram ipoetory tomo a tonetupħpitose.




6

Moraram Jezu toytose ropa Peturu tapyi taka. Moroto Peturu merenoty tonese Jezu a kure pyra. Oxirohnōko kynexine, toħrame.



7

Mame tomary ke mokyro tapose Jezu a. Axī kynoxiroħkehne ynoro. Mame kynowōne ropa tonahsē ritohme, Jezu napyry ritohme.



8

Mame kokonie pukuro kurākōkara tarose imehno a
tuhke Jezu a, toto kurākatohme ropa. Jorokohpā kō
roropa tarose eya xine.
Kapanaū pōkō roropa
toehse tuhke imoihme.
Tapyi eutary pota taka
tōximōse toto.



9

Mame kurākōkara tukurākase ropa eya, tuhke. Joroko
tō tutūtanohipose roropa eya mokaro ae. Joroko a
sekere kamexipopyra kynexine ynororo: “Awaro
ynanase,” karyke eya xine.




10

Jezu temuhmary se toh toehse, emero,
toekurākapotohkōme eya, ijamitunuru
enetuputyryke tyya
xine. Mame
toekurākase ropa
toto. Enara.



11

Morame pakaihapā tonehse imehno a Jezu a
ikurākatohme ropa. Asakoropane kynexine
enehnanomo.




12

Yrome omōsaromepyra toh kynexine
ahno tuhke exiryke. Morame tapyi
mypatarānaka tōnuhse toto. Tapyi
typiapose eya xine Jezu etonie.
Mame kurākara tonyhtose
eya xine moro ae
etueh maro Jezu
myhtokoxi.




13

— Kurākatō mokyro, tykase
toto tukurohtao xine. Mame
toto kurohtao tonetuputyry
waro Jezu kynexine.
Mame ynara tykase
ynororo kurākara a:
— Aimo, oorypyry
korokāko ase,
tykase ynororo
eya. — Tukurākase
ropa mase. Owōko
ropa. Oetuety aroko
ropa atapyi taka,
tykase ynororo eya.



14


Morarame Jezu tōtyrise kanawa aka,
ipoetory tō roropa tōtyrise imaro.
Mame okynā pyra tyryrykane
konōto toehse itamurume,
ikuho akuotyryhtao eya
xine, poh tykase roropa
itamurume kanawa pona.
Yrome Jezu nyhnōko
kynexine kanawa ao.



15

— Oty kato oserehnōko matou? Jenetupuhpyra ro
hmatou? tykase eya xine Jezu. Mame towōse ynororo.
Ynara tykase tyryrykane a, pohkane a roropa:
— Omynyhpāko, tyryry kara exiko, tykase.
Mame axī tyryry kara toehse.
Pohkara roropa toehse.
Mynytye konōto rokē
toehse. Mame imarōkō
tōsenurukase: — To!
Imehxo mose nase.

Tyryrykane aomipona
nymynyhpāno. Pohkane
roropa nymynyhpāno
aomi poe, tykase toto.



16

Ritonōpo sero nono pōkō pyno
ipunaka. Morara exiryke Tumūkuru
toirō tonehpose eya, emero porehme
enetupuhtohme tosēkōme, orihpyra
ehtohme, jūme imaro ehtohme.

40

60

17

Romanos 3:23 Kymarokō emero tyryrypyhpyke.
Osepune pyra sytatose, Ritonōpo kure exiry maro.

Romanos 6:23 Ynara exiryke, kyyrypyrykō
epehpyryme orihnōko sytatose. Yrome Ritonōpo
nekarohpyry ke orihpyra sytatose jūme. Jezu
Kyrixtu Kuesēkō marōme exiko sytatose, toorihse
exiryke kymyakākōme.

Epereu 9:27 Toipe sytatose. Emero porehme
orihnōko sytatose toiro. Moromeipo kuapiakatorŷko
Ritonōpo mana.

18

Epezu 2:8,9 Naeroro tamoreme opyno xine Ritonōpo
toexiryke typynanohse matose. Okurākatorŷko roropa
mana kure oexirykō pokoino pyra. Jezu enetuputyryke rokē
oya xine okurākatorŷko mana. Topehke pyra, tynekarory
kurā sā, Tumūkuru tonehpose aorihthohme,
okurākatohkōme. Naeroro epyrypasaromepyra matose
Ritonōpo poenōme oexirykō poko. Kure oexirykō pokoino
pyra tukurākase matose Ritonōpo a.

Romanos 10:9,10 Jezu orihxīpo tōsemākapose ropa
Ritonōpo a. Moro enetuputyryhtao oya xine imehnō zurūko
matose: “Jezu Jesēme mana,” āko matose imehnomo a.
Morara awahtao xine opynanohtorŷko Ritonōpo mana.
Ynara exiryke, kukurohtao xine enetuputyryhtao kyaa xine
kukurākatorŷko Ritonōpo mana. “Zae mase ya,” āko mana
kyaa xine. “Jezu Jesēme mana,” karyhtao kyaa xine
kypynanohtorŷko Ritonōpo mana.

19

João 3:16,17 Ritonōpo sero nono pōkō pyno ipunaka.
Morara exiryke Tumūkuru toirō tonehpose eya, emero
porehme enetupuhtohme tosēkōme, orihpyra
ehtohme, jūme imaro ehtohme. Sero pōkō
pynanohse Tumūkuru tonehpose Ritonōpo a,
toto onuānohpyra aehtohme.

1 João 5:11-13 Ynara Ritonōpo nekarohpyry sero.
Orihpyra kyritorŷko Ritonōpo mana Tumūkuru
enetuputyryke kyaa xine. Ritonōpo mūkuru maro
exiketō orihpyra mā toto. Yrome Ritonōpo mūkuru
maro pyra exiketō orihketōme toto. Onenerykōme
pape merōko ase orihpŷme oehtohkō waro
oehtohkōme, Jezu Ritonōpo mūkuru
enetuputyryke oya xine.

20

Mateu 8-9; Maku 1-2, 4; Ruka 4, 8; João 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Apalaí Bible (apy) ©2017, Wycliffe Bible
Translators, Inc.

<https://www.bible.com/bible/865/MAT.1>

©2024 Bible for Children, Inc.

www.M1914.org www.bibleforchildren.org